



Convenio para concesión dunha subvención directa entre a Axencia Galega de Desenvolvemento Rural (Agader) e a Sociedade Deportiva Coto de Caza de Remourelle para a reconstrución de cuberta e reforma interior da caseta de legoeiros, dentro da categoría de "Promoción e posta en valor da vida social, cultural e educativa da comarca".

En Santiago de Compostela, 31 de marzo de 2023.

REUNIDOS

Dunha parte, D. José González Vázquez, conselleiro do Medio Rural, en virtude do seu nomeamento polo Decreto 60/2022, do 15 de maio, polo que se nomean os titulares das vicepresidencias e consellerías da Xunta de Galicia (DOG núm. 94, do 16 de maio), na súa condición de presidente da Axencia Galega de Desenvolvemento Rural (Agader), CIF Q1500273F, con domicilio na Barcia, estrada Santiago-Noia, km. 3, 15897, Santiago de Compostela, e no uso das facultades delegadas atribuídas no Acordo do Consello de Dirección da Agader do 21 de xullo de 2021 (DOG núm. 148, do 4 de agosto).

Doutra parte, D. José Antonio González López, en calidade de presidente da Sociedade Deportiva Coto de Caza de Remourelle, con CIF G27133511, en virtude do seu nomeamento na Asemblea extraordinaria do 19 de agosto de 2021.

Ámbalas partes teñen plena capacidade para levar adiante este convenio e,



EXPOÑEN

Primeiro.- Que ambas entidades son conscientes da necesidade de favorecer as condicións e o entorno para a mellora da calidade de vida da poboación que permitan por un lado unha adecuada oferta no ámbito do ocio, o deporte, a cultura, e/ou sectores produtivos e permitan así mesmo unha boa gama de servizos básicos que permitan a mellora das condicións de sociabilización e interrelación das parroquias rurais de Galicia dende a premisa principal de garantir a existencia das infraestruturas básicas para elo e mellorar a estrutura do territorio para fixar a poboación do rural galego.

Segundo.- Que a Axencia Galega de Desenvolvemento Rural creouse pola disposición adicional sexta da Lei 5/2000, do 28 de decembro, de medidas fiscais e de réxime orzamentario e administrativo (DOG núm. 251, do 29 de decembro).

A dita lei de creación está modificada, entre outras, pola Lei 11/2021, do 14 de maio, de recuperación da terra agraria de Galicia (DOG núm. 94, do 21 de maio), en cuxo artigo 6 configúrase a Axencia Galega de Desenvolvemento Rural como unha axencia pública autonómica, de conformidade coa Lei 16/2010, do 17 de decembro, de organización e funcionamento da Administración xeral e do sector público autonómico de Galicia, coa consideración de medio propio e servizo técnico da Comunidade Autónoma de Galicia, que actúa como instrumento básico na promoción e coordinación do desenvolvemento do territorio rural galego, co obxectivo de mellorar as condicións de vida dos seus habitantes e de evitar o seu despoboamento a través, entre outras, das medidas de recuperación da terra agroforestal de Galicia reguladas na citada Lei 11/2021.

A Axencia Galega de Desenvolvemento Rural está adscrita á Consellería do Medio Rural, ten personalidade xurídica e patrimonio propios, goza de autonomía administrativa e económica e posúe plena capacidade de obrar, tanto no campo do dereito público como no do dereito privado, para o cumprimento dos seus fins e con suxeición á normativa correspondente.

A Axencia Galega de Desenvolvemento Rural quere promover e poñer en valor no ámbito rural galego o patrimonio histórico, a recuperación da terra agraria, a vida social, cultural e educativa, a contorna natural e os produtos agrolimentarios, xa que as actuacións sobre os ditos ámbitos contribúen a mellorar a calidade de vida e a cohesión a vida social e a estimular o arraigamento da poboación no medio rural, de xeito que fagan deste un lugar máis atractivo, ao ser as ditas actuacións interesantes dende o punto de vista do fortalecemento do orgullo rural, da diversificación económica, da potenciación do interese polo territorio e, polo tanto, do desenvolvemento xeral do territorio.



A Axencia Galega de Desenvolvemento Rural, no marco das súas competencias e dentro das súas accións estratéxicas, ven apoiando, mediante axudas directas a través de convenios, baixo a denominación de "proxectos senlleiros", diversas actuacións por entender que concorren nelas as características de especial relevancia para o desenvolvemento rural que as fan merecedoras de apoio económico.

Coa finalidade de prever, con carácter xeral, os requisitos para a concesión deste tipo de axudas, o 20 de abril de 2022 o Consello de Dirección da Axencia Galega de Desenvolvemento Rural aprobou o Acordo polo que se fixan as regras de tramitación das axudas, mediante concesión directa a través de convenio, do Programa de Proxectos Senlleiros (https://agader.xunta.gal/sites/w_pagade/files/documentacion/acordos/2022_04_28_acordo_proxectossenlleiros.pdf), modificado por acordo do 7 de novembro de 2022 do Consello de Dirección da Axencia Galega de Desenvolvemento Rural polo que se modifica a regra 4ª "Entidades beneficiarias dos proxectos senlleiros" onde se engade como entidade beneficiaria dos proxectos senlleiros as Comunidades de montes veciñais en man común (punto 4.2 do Acordo) (https://agader.xunta.gal/sites/w_pagade/files/documentacion/acordos/2022_11_7_certificadosenlleiros.pdf). A regras deste Acordo conceptúan como proxectos senlleiros as actuacións sobre elementos e realidades merecedores dun recoñecemento especial, pola súa capacidade para contribuír á conservación de dúas finalidades esenciais: mellorar a calidade de vida da poboación e promover a fixación desta nas áreas rurais.

Terceiro.- O dereito de asociación réxese con carácter xeral, polo disposto na Lei Orgánica 1/2002, do 22 de marzo, reguladora do Dereito de Asociación e polas disposicións regulamentarias que se diten no seu desenvolvemento, dentro de cuxo ámbito de aplicación inclúense todas as asociacións que non teñan fin de lucro e que non estean sometidas a un réxime asociativo específico.

O artigo 5.2 da citada Lei Orgánica dispón que o acordo de constitución, que incluírá a aprobación dos Estatutos, haberá de formalizarse mediante acta constitutiva, en documento público ou privado. Co outorgamento da acta adquirirá a asociación a súa personalidade xurídica e a plena capacidade de obrar, sen prexuízo da necesidade da súa inscrición para os efectos do artigo 10 de dita Lei Orgánica.

O 20 de xullo de 2014 en Asemblea Xeral Extraordinaria da Sociedade Deportiva Coto de Casa de Remouelle, aprobáronse os novos Estatutos da sociedade, ratificados e inscritos con nº C-00628 no Rexistro de Entidade Deportivas de Galicia dende o 20/09/1985.



A Sociedade Deportiva Coto de Casa de Remourelle recoñécese nos seus estatutos, como unha asociación privada con personalidade xurídica e capacidade de obrar, integrada por persoas físicas que ten por obxecto exclusivo o fomento e a práctica deportiva da caza e actividades deportivas co devandito exercicio, sen ánimo de lucro.

Cuarto.- Por medio da Orde da Consellería de Medio Ambiente, Territorio e Vivenda do 6 de setembro de 2021, acordouse a mutación demanial da antiga caseta de legoeiros, sita no lugar de Remourelle, no Concello de Ribadeo para destinalo a servizos de xestión e defensa do medio ambiente e a súa adscrición á Consellería de Medio Ambiente, Territorio e Vivenda.

O 3 de xaneiro de 2022, a Consellería de Medio Ambiente, Territorio e Vivenda e a Sociedade Deportiva Coto de Caza de Remourelle formalizaron a acta de entrega e recepción deste inmovible que foi concedido por resolución do 17 de decembro de 2021 pola Secretaría Xeral Técnica da Consellería de Medio Ambiente, Territorio e Vivenda por medio dun documento de concesión demanial, a título gratuito, para o uso privativo por un período de 30 anos do citado inmovible.

A cláusula administrativa segunda do documento de formalización dispón que o inmovible deberá de destinarse con carácter xeral aos fins de interese e defensa do medio ambiente e con carácter particular ubicará o local social Sociedade Deportiva Coto de Caza de Remourelle, sendo o seu punto de quedada e partida.

Así mesmo, a cláusula terceira establece que as obras de reforma, reparación e mellora do inmovible, serán por conta da entidade concesionaria e requiriran autorización previa pola Secretaría Xeral Técnica da Consellería de Medio Ambiente, Territorio e Vivenda, mediante aportación da documentación requirida para o outorgamento da licenza. En todo caso, os investimentos realizados quedarán en beneficio do inmovible e, en ningún caso, poderán ser reembolsados pola Comunidade Autónoma de Galicia, propietaria do mesmo. Estas obras deberán levarse a cabo dentro dun prazo razoable unha vez outorgada a concesión.

A concesionaria non poderá realizar máis obras que as contempladas na citada cláusula.

Quinto.- O 19 de xullo de 2022, a Sociedade Deportiva Coto de Caza de Remourelle presentou unha solicitude de colaboración, xunto cunha memoria técnica valorada, para o financiamento dun proxecto senlleiro dentro da categoría "Promoción e posta en valor da vida social, cultural e educativa da comarca".

Xunto coa solicitude, achegou o proxecto técnico de reconstrución de cuberta e reforma interior da caseta de legoeiros, onde se propón a reconstrución da edificación que actualmente se atopa en desuso e está deshabitada.



Para poder realizar calquera uso no seu interior é preciso reconstruír a cuberta da edificación que, debido ao paso do tempo e aos axentes atmosféricos, atópase derrubada así como, realizar reformas de distribución no interior con novas divisións interiores e colocación de carpintería.

Polo tanto, trátase dun proxecto técnico de reconstrución de cuberta e reforma interior da caseta de legoeiros, no Concello de Ribadeo, co fin de destinalos, con carácter xeral, aos fins de interese e defensa do medio ambiente e activar a vida social e cultural da comarca e que, con carácter particular, ubicará o local social da Sociedade Deportiva Coto de Caza de Remourelle, sendo o seu punto de quedada e partida.

En consecuencia, o citado proxecto ten cabida no Programa de proxectos senlleiros da Axencia Galega de Desenvolvemento Rural, xa que, conforme ao citado Acordo do 20 de abril de 2022 do seu Consello de Dirección, contribúe a cohesionar a vida social no medio rural e a estimular o arraigamento da poboación sobre o territorio no que habita nel mediante a consecución dos seguintes obxectivos:

- Preservación dos valores sociais e culturais do medio rural.
- Potenciación de elementos que recuperen ou manteñan a historia e a memoria da comarca.
- Dinamización da vida socioeconómica e cultural da zona.
- Mellora da relación social dos veciños.
- Revalorización de infraestruturas e inmobles desaproveitados.
- Satisfacción de necesidades e aspiracións da veciñanza.
- Fortalecemento do orgullo e satisfacción de pertenza á comunidade rural beneficiaria do proxecto.



Sexto.- De acordo co artigo 26 da Lei 9/2007, do 13 de xuño, de subvencións de Galicia, non é posible promover a concorrencia pública para a realización desta actuación. A necesidade de atender áreas específicas como a promoción e posta en valor da vida social, cultural e educativa da comarca materialízase na realización de obras de mellora, reforma e reparación de infraestruturas e instalacións a satisfacer as necesidades da veciñanza.

A caseta de legoeiros (nome do lugar onde se atopa "Casilla" precisamente porque así se chamaban estas edificacións: caseta de legoeiros), foron deseñadas coa maior economía de medios apartándose o seu deseño de calquera requirimento estético superfluo, prescindindo de todo tipo de decoración. Estas edificacións foron concibidas para dar unhas estancias aos peóns camineros e a súa familia. O seu



emprazamento nunca foi casual xa que se situou xunto á propia estrada para facilitar a asistencia continua e inmediata dos quilómetros asignados. O peón caminero tiña a obrigaón de vixiar o cumprimento das ordenanzas para a conservación de estradas, evitando o tránsito de carruaxes que puidesen danala, así como controlar as construcións fraudulentas.

Neste caso o proxecto técnico presentado pola Sociedade Deportiva Coto de Caza de Remourelle, propón a reconstrución da cuberta e reforma interior da caseta de legoeiros de 110 m² que actualmente se atopa en desuso, e que debido ao paso do tempo, a cuberta atópase derrubada e o interior totalmente diáfano. Trátase dunha edificación de planta baixa e forma rectangular. Aínda que a aparencia é de abandono total posto que non houbo ningún tipo de mantemento nos últimos anos, os cerramentos de mampostería atópanse en perfecto estado, non así a cuberta que se atopa afundida na súa totalidade.

Neste caso, a singularidade do proxecto reside na promoción e posta en valor da vida social, cultural e educativa da comarca. Trátase dunha edificación de planta baixa e forma rectangular das que se conservan moi poucas edificacións destinadas a vivendas dos peóns camineros, concretamente no concello de Ribadeo. A singularidade desta edificación tan só é comparable a algunha que estean próximas a algunha estación de montaña. A situación e peculiaridade na súa construción e que xa non existen edificacións deste tipo, fai que sexa necesario conserva-la e proceder á súa rehabilitación, mantendo inalterable o seu aspecto exterior. Todos os elementos que compoñen os cerramentos de fachada: muros de mampostería, jambas, dinteles e alfeizares deben de conservarse dada a peculiaridade dos mesmos para este tipo de edificacións.

A subvención directa decídese en base a criterios obxectivos, que foron fixados mediante o acordo do Consello de Dirección de Agader do 20 de abril de 2022 polo que se fixan as regras de tramitación das axudas, mediante concesión directa a través de convenio, do Programa de Proxectos Senlleiros. En concreto, na regra 3.- Categorias de proxectos senlleiros, sinala que os proxectos financiados a través do programa deberán pertencer a algunha das categorías seguintes:

C) Promoción e posta en valor da vida social, cultural e educativa da comarca. Os proxectos senlleiros deste tipo deben reunir algunha das seguintes características:

- a. Realizar a rehabilitación, reconstrución ou recuperación de edificacións, infraestruturas ou espazos públicos singulares, por teren un marcado



significado social, cultural ou educativo para a comarca na que se sitúan, co fin de destinalos a un uso público compatible cos seus elementos e características.

- b. (...)
- c. Realizar obras de mellora, reforma e reparación de infraestruturas e instalacións, así como o seu equipamento, destinadas a satisfacer as necesidades da veciñanza.

Ademais, o citado Acordo do 20 de abril de 2022 (modificado polo Acordo de 7 de novembro de 2022) sinala como posibles entidades beneficiarias das axudas para os proxectos senlleiros as seguintes entidades públicas ou privadas sen ánimo de lucro que realicen actividades en beneficio da poboación do rural galego: Entidades de participación cidadá: asociacións, confederacións, federacións ou unións de asociacións que se atopen inscritas no Rexistro de Asociacións da Comunidade Autónoma de Galicia.

Por último, o Acordo do 20 de abril de 2022 tamén sinala que o ámbito territorial de execución dos proxectos senlleiros será o todo territorio da Comunidade Autónoma de Galicia, agás:

- a. Nas provincias da Coruña e de Pontevedra, as entidades singulares de poboación (unidades de poboación) que superen os 6.000 habitantes.
- b. Nas provincias de Lugo e de Ourense, as entidades singulares de poboación (unidades de poboación) que superen os 10.000 habitantes.
- c. Os termos municipais dos concellos de Vigo e da Coruña, tendo en conta que todo o territorio de ditos concellos ten un alto grao de influencia urbana, derivada da presenza das dúas cidades galegas máis grandes.
- d. Os parques empresariais situados no territorio dos concellos de Ourense, Santiago de Compostela, Lugo, Ferrol e Pontevedra.

Polo exposto, o proxecto presentado pola Sociedade Deportiva Coto de Caza de Remourelle "Reconstrución de cuberta e reforma interior da caseta de legoeiros", dentro da categoría "Promoción e posta en valor da vida social, cultural e educativa da comarca", cumpre cos criterios obxectivos e subxectivos necesarios que xustifican o financiamento desta actuación a través dunha subvención directa e motivan a súa formalización a través deste convenio.

En consecuencia, as partes, asinan este convenio para a concesión dunha subvención directa, de acordo coas seguintes



CLÁUSULAS

PRIMEIRA.- Obxecto e actuacións

O obxecto do presente convenio é a reconstrución de cuberta e reforma interior da caseta de legoeiros como proxecto senlleiro na categoría "Promoción e posta en valor da vida social, cultural e educativa da comarca" dentro do Programa de Proxectos Senlleiros da Axencia Galega de Desenvolvemento Rural.

O proxecto consiste na reconstrución da edificación que actualmente se atopa en desuso e deshabitada. Neste inmovible é preciso realizar tarefas de reconstrución da cuberta e reforma interior co fin de satisfacer as necesidades e aspiracións da veciñanza e de pertenza á comunidade dese lugar mediante a defensa do medio ambiente e como uso de local social da Sociedade Deportiva Coto de Caza de Remourelle.

SEGUNDA.- Actuacións a realizar

As actuacións a realizar por parte da Sociedade Deportiva Coto de Caza de Remourelle son a reconstrución de cuberta e reforma interior da caseta de legoeiros, sita no lugar de Remourelle, no Concello de Ribadeo.

A cláusula administrativa terceira do documento de formalización do 3 de xaneiro de 2022 referenciado na parte expositiva "Cuarto.-" deste convenio, dispón que as obras de reforma, reparación e mellora do inmovible, serán por conta da entidade concesionaria e requirirán autorización previa pola Secretaría Xeral Técnica da Consellería do Medio Ambiente, Territorio e Vivenda, mediante aportación da documentación para o outorgamento da licenza. Os investimentos realizados quedarán en beneficio do inmovible e, en ningún caso, poderán ser reembolsados pola Comunidade Autónoma de Galicia, propietaria do mesmo.

As obras levaranse acabo dentro dun prazo razoable unha vez outorgada a concesión. A concesionaria non poderá realizar máis obras que as contempladas na citada cláusula terceira do documento de formalización descrita neste convenio no parágrafo precedente.

Para iso, compre realizar as actuacións necesarias que permitan ofrecer, por parte das distintas entidades, uns servizos de difusión ben planificados dos que debemos




responsabilizarnos, para garantir a todos os cidadáns o uso das infraestruturas obxecto do convenio.

As actuacións que se pretenden realizar son as definidas no proxecto que se incorpora ao expediente, tales como:

- sistema estrutural: Cuberta de pizarra con aislamentos e impermeabilizacións.
- sistema de compartimentación: distribución dos espazos interiores formados mediante cerramento con ladrillo de 8 cm recibido con morteiro de cemento, cargado e enlucido por ambas caras.
Carpintería interior de folia de dobre taboleiro aglomerado de 15 mm, portas interiores e exteriores, falsos teitos, alicatados, baldosas, pinturas, tarima flotante, instalación de saneamento, fontanería e sanitarios, instalación eléctrica e de telefonía, evacuación de fumes e gases, ventilación, barnices e pinturas.
- xestión de residuos e sistemas de seguridade e saúde.

TERCEIRA.- Obrigas da Sociedade Deportiva Coto de Caza de Remouelle

 A Sociedade Deportiva Coto de Caza de Remouelle comprométese a facer constar en toda a publicidade -tanto impresa como audiovisual- a colaboración da Agader e a Xunta de Galicia, para o que utilizará a normativa da imaxe corporativa da propia da Agader. Así mesmo comprométese ao cumprimento das obrigas contidas na Lei 9/2007, do 13 de xuño, de subvencións de Galicia e en especial as recollidas no artigo 11 desta norma. Tamén será de aplicación o establecido no Decreto 11/2009, do 8 de xaneiro, polo que se aproba o Regulamento da Lei 9/1997, en canto non se opona á lexislación anterior. Con carácter supletorio, será de aplicación o disposto na Lei 38/2003, xeral de subvencións, e no seu regulamento, aprobado polo Real Decreto 887/2006, do 21 de xullo.

Os beneficiarios deberán dar cumprimento as obrigas de publicidade que se establecen no artigo 18 da Lei 38/2003, do 17 de novembro, xeral de subvencións, modificado polo artigo 30 da Lei estatal 15/2014, do 16 de setembro, de racionalización do sector público e outras medidas de reforma administrativa.

O beneficiario ten a obriga de prestar colaboración e facilitar canta documentación lle sexa requirida no exercicio das funcións de control que lle corresponden á Intervención Xeral da Comunidade Autónoma, ao Tribunal de Contas e ao Consello de Contas.

A Lei Orgánica 1/2002, do 22 de marzo, reguladora do Dereito de Asociación establece no artigo 4.3 que nas súas relacións coa Administración o outorgamento



de axudas ou subvencións públicas e, no seu caso, o recoñecemento doutros beneficios legal ou regulamentariamente previstos, estará condicionado ao cumprimento dos requisitos establecidos en cada caso. Neste sentido, a Sociedade Deportiva Coto de Caza de Remourelle deberá de cumprir ademais cos requisitos establecidos no citado convenio.

A Sociedade Deportiva Coto de Caza de Remourelle deberá presentar declaración responsable, para proceder á sinatura do convenio e despois para o seu pagamento, de estar ao día no cumprimento das obrigas tributarias e fronte á seguridade social e de non ter pendente de pagamento ningunha outra débeda coa administración pública da comunidade autónoma, segundo o establecido no artigo 10 da Lei 9/2007, de subvencións de Galicia, e no artigo 11 do Decreto 11/2009, polo que se aproba o regulamento da citada lei.

A sinatura deste convenio implica, de ser o caso, a autorización a Agader para solicitar as certificacións acreditativas de que se atopa ao corrente das obrigas tributarias estatais e autonómica e da seguridade social, así como que non ten pendente de pagamento ningunha outra débeda, por ningún concepto coa Administración pública da Comunidade Autónoma de Galicia, de acordo co establecido na Lei Orgánica 3/2018, de 5 de decembro, de protección de datos persoais e garantía dos dereitos dixitais, disposición adicional cuarta da Lei 40/1998, de 9 de decembro, do imposto sobre a renda das persoas físicas e outras normas tributarias, e demais disposicións de aplicación.

A Sociedade Deportiva Coto de Caza de Remourelle e comprométese a destinar os fondos percibidos ao obxecto concreto para o que foron concedidos, polo menos durante un período mínimo de 5 anos sempre e cando se trate de bens inventariables. Agader poderá comprobar, cando o considere pertinente, a execución das actividades obxecto deste convenio.

CUARTA.- Financiamento

O gasto total das actuacións do proxecto "Reconstrución de cuberta e reforma interior da caseta de legoeiros", a desenvolver polo beneficiario no marco deste convenio, ascende a cento cincuenta e nove mil cincocentos oitenta euros con sesenta e oito céntimos (159.580,68 €), para o período 2023.

Para o desenvolvemento desas actuacións, a Axencia Galega de Desenvolvemento Rural concede á Sociedade Deportiva Coto de Caza de Remourelle, unha subvención directa a fondo perdido por un importe 159.580,68 euros para a anualidade 2023.



A achega da Axencia Galega de Desenvolvemento Rural realizarase con cargo á aplicación orzamentaria que se indica a continuación, dos presupostos da Comunidade Autónoma de Galicia para o ano 2023, a través dos mecanismos previstos no ordenamento xurídico, que inclúen o cumprimento por parte do beneficiario dos requisitos legais para ser beneficiario.

Aplicación orzamentaria 14.A1.712A.781.0 dos orzamentos xerais da Comunidade Autónoma de Galicia para o ano 2023, código de proxecto 2017-00003.-"Actuacións senlleiras de mellora do patrimonio rural".		TOTAL
Importe	2023	159.580,68 €
	159.580,68 €	

Os importes da subvención serán aboados trala presentación da documentación xustificativa da realización das actuacións financiadas (presentada no prazo e coas condicións indicadas na cláusula correspondente do presente convenio) e da emisión do correspondente informe técnico favorable por parte da Axencia Galega de Desenvolvemento Rural, que poderá recorrer, se o considera necesario, a o apoio de expertos externos.

Nos importes indicados entenderase incluído o IVE, sempre e cando este supoña un custo real soportado polo beneficiario, podendo ser considerado gasto subvencionable. Neste caso deberá presentarse un certificado relativo á situación do beneficiario respecto o IVE.

A achega conveniada trátase dun importe certo, quedando por conta do beneficiario a diferenza de financiamento necesario para a total execución da actividade subvencionada, debendo ser reintegrado o financiamento público unicamente no caso e polo importe que supere o custo total e real da actividade, segundo o establecido no artigo 21.2 do Regulamento de subvencións de Galicia.

En aplicación do artigo 63 do Decreto 11/2009, do 8 de xaneiro, polo que se aproba o Regulamento da Lei 9/2007, de subvencións de Galicia, Agader poderá efectuar pagos anticipados, que suporán a entrega de fondos con carácter previo á xustificación, naqueles casos en que o investimento esixa pagamentos inmediatos ata un importe máximo do 50% da cantidade total subvencionada. Este anticipo



non poderá superar o importe previsto para cada exercicio orzamentario. A concesión do anticipo farase mediante resolución motivada.

O pagamento restante realizarase no momento da completa xustificación pola Sociedade Deportiva Coto de Caza de Remourelle do cumprimento da finalidade e demais condicións establecidas no convenio.

A Sociedade Deportiva Coto de Caza de Remourelle poderá solicitar pagos á conta, conforme ao artigo 62 do Regulamento da Lei de subvencións, que responderán ao ritmo de execución das actividades subvencionadas aboándose pola contía equivalente á xustificación presentada.

O importe conxunto dos pagos á conta e dos pagos anticipados que se concedan non poderá exceder do 80% da cantidade subvencionada, ou sexa, 127.664,54€.

O artigo 65.1 do Decreto 11/2009, polo que se aproba o Regulamento da Lei 9/2007, do 13 de xuño, de subvencións de Galicia establece que os beneficiarios están obrigados á constitución de garantías cando estea prevista a posibilidade de realizar pagamentos á conta ou anticipados.

O réxime de garantías será o previsto nos apartados 2 e 3 do artigo 67 do citado Decreto 11/2009. En consecuencia, a garantía constituirase mediante seguro de caución prestado por entidade aseguradora ou mediante aval solidario de entidade de crédito ou sociedade de garantía recíproca que deberá alcanzar como mínimo ata os dous meses seguintes á finalización do prazo de xustificación previsto no convenio. A garantía deberá cubrir o 110% do importe das cantidades aboadas á conta ou das cantidades anticipadas.

No caso de que a Sociedade Deportiva Coto de Caza de Remourelle solicite pagamentos anticipados deberá presentar unha memoria xustificativa e económica na que se recollan as actuacións que ten previsto realizar co custo das actividades.

QUINTA.- Xustificación dos gastos

O beneficiario xustificará ante a Axencia Galega de Desenvolvemento Rural a realización das actuacións previstas no proxecto que inclúe a memoria técnica valorada ascende a cento cincuenta e nove mil cincocentos oitenta euros con sesenta e oito céntimos (159.580,68 €) para anualidade 2023.



A xustificación do cumprimento das condicións impostas e do seu custo deberá levarse a cabo de acordo co previsto nos artigos 28 e seguintes da Lei 9/2007, do 13 de xuño.

De conformidade co previsto na Lei 9/2007, de subvencións de Galicia o prazo de execución e xustificación rematará o 15.11.2023 sen prexuízo de que as actividades subvencionadas sexan as executadas a partires do 01 de xaneiro de 2023.

Se, transcorrido o prazo establecido para a xustificación da subvención, o beneficiario non presenta a documentación pertinente segundo o indicado no presente convenio, a Axencia Galega de Desenvolvemento Rural requirirá conforme ao artigo 45.2 do Regulamento da Lei de subvencións de Galicia, para que no prazo improrrogable de dez días a presente.

A falta de presentación da xustificación nos prazos establecidos nesta cláusula comportará a perda do dereito ao cobramento total ou parcial da subvención, a esixencia de reintegro e demais responsabilidades establecidas na Lei de subvencións de Galicia. A presentación da xustificación no prazo adicional establecido non eximirá ao beneficiario das sancións que, conforme á lei, correspondan.

A conta xustificativa presentarase electronicamente na Carpeta do cidadán da persoa solicitante/representante, <https://sede.xunta.es/carpeta-do-cidadan>, e incluírá a seguinte documentación:

- Certificación expedida pola Secretaría da entidade co visto e prace da persoa titular da alcaldía, relativa á aprobación polo órgano competente da conta xustificativa da subvención, na que se faga constar de forma detallada:
 - O cumprimento da finalidade da subvención.
 - Os distintos conceptos e contías correspondentes aos gastos totais soportados pola entidade beneficiaria imputables á actuación subvencionada coa seguintes relación: identificación do/a acredor/a, número de factura ou documento equivalente, importe, data de emisión e data de recoñecemento da obriga polo órgano competente.
- Certificación da intervención ou do órgano que teña atribuídas as facultades de control da toma de razón en contabilidade e do cumprimento da finalidade para a que foi concedida.
- Facturas expedidas polas empresas adjudicatarias dos traballos relacionados co obxecto deste convenio achegando xunto coas mesmas o comprobante de pago efectuado e certificacións ou calquera outro documento con validez





xurídica que permita a acreditación do cumprimento da finalidade da subvención.

- Declaración que conteña unha relación detallada doutras subvenciones, axudas, ingresos o recursos que financien as actividades subvencionadas, así como a modificación das circunstancias que fundamentaran a concesión da subvención.
- Informe favorable de autorización previa da Secretaría Xeral Técnica da Consellería de Medio Ambiente, Territorio e Vivenda para as obras de reforma, reparación e mellora do inmovible.
- Permisos, licenzas e autorizacións que resulten preceptivos segundo a lexislación vixente.
- Acta de recepción.
- Aclaracións ou informes relativos á xustificación do investimento que o órgano xestor considere convenientes.

A presentación desta información é requisito imprescindible para a tramitación do pagamento, e devolverase toda a xustificación que non o cumpra.

En todo o relativo aos gastos subvencionables deberá cumprirse o disposto no artigo 29 da Lei 9/2007, de 13 de xuño, de subvencións de Galicia (modificado pola Lei 12/2011, do 26 de decembro, de medidas fiscais e administrativas).

No caso de que a entidade concerte con terceiros a execución total ou parcial da actividade obxecto do convenio, estarase ao disposto no artigo 27 da Lei 9/2007, de 13 de xuño, de Subvencións de Galicia e na Lei 9/2017, de 8 de novembro, de contratos do sector público.

No caso de que a Sociedade Deportiva Coto de Caza de Remourelle non xustifique ou a xustificación sexa insuficiente, procederá o reintegro das cantidades percibidas e a esixencia do xuro de demora correspondente dende o momento do pagamento de subvencións ata a data na que se acorde a procedencia do reintegro.

Cando a actividade fose financiada ademais de con esta subvención con fondos propios ou con outras subvencións ou recursos, deberá acreditarse na xustificación o importe, a procedencia e a aplicación de tales fondos ás actividades subvencionadas. O importe das subvencións en ningún caso poderá ser de tal contía que illadamente ou en concorrencia con outras subvencións, ingresos ou recursos, supere o custo da actividade subvencionada. En caso de superar procederá o reintegro do exceso obtivo sobre o custo da actividade subvencionada así como a esixencia do xuro de demora correspondente.



SEXTA.- Compromiso de participación das mulleres.

Mediante o presente convenio as partes asinantes asumen un compromiso de fomento da participación das mulleres tanto no seu ámbito de actuación como nos seus órganos de decisión.

SÉTIMA.- Causas de resolución

O incumprimento de calquera das cláusulas deste convenio constituirá causa suficiente para a súa rescisión, e así mesmo procederá o reintegro da subvención cando concorra algunha das causas previstas no artigo 33 da Lei 9/2007, de 13 de xuño, de subvencións de Galicia.

OITAVA.- Publicidade

As partes asinantes deberán cumprir coas obrigas derivadas da Lei 1/2016, do 18 de xaneiro, de transparencia e bo goberno. Para tal fin, as partes aceptan que o texto do convenio se publique no Portal de Transparencia e Goberno Aberto da Xunta de Galicia incluíndo os datos identificativos das persoas asinantes.

Así mesmo, a Sociedade Deportiva Coto de Caza de Remourelle acepta e consente a remisión do convenio, logo da súa sinatura, ao Rexistro de Convenios da Xunta de Galicia.

De acordo co establecido no artigo 30 da Lei estatal 15/2014, do 16 de setembro, de racionalización do sector público e outras medidas de reforma administrativa, que introduciu diversas modificacións na Lei 38/2003, do 17 de novembro, xeral de subvencións, o contido deste convenio será publicado na Base de Datos Nacional de Subvencións, nos termos recollidos no artigo 20 da Lei 38/2003, do 17 de novembro, xeral de subvencións, modificado polo artigo 30 da Lei estatal 15/2014, do 16 de setembro, de racionalización do sector público e outras medidas de reforma administrativa.

Así mesmo, será obxecto de publicidade no Rexistro de Axudas, Subvencións e Convenios, ao abeiro do disposto no decreto 126/2006, do 20 de xullo e no decreto 132/2006, do 27 de xullo.

NOVENA.- Xurisdición

En todo o non previsto no presente convenio será de aplicación a Lei 9/2007, do 13 de xuño, de subvencións de Galicia e a súa normativa de desenvolvemento. Aplicarase con carácter supletorio a Lei 38/2003, do 17 de novembro, xeral de subvencións.



Así mesmo será de aplicación a Lei 40/2015, do 1 de outubro, de réxime xurídico do sector público.

A xurisdición contencioso-administrativa será a competente para o coñecemento de posibles cuestión litixiosas que poidan suscitarse como consecuencia del.

DÉCIMA.- Vixencia

O período de vixencia deste convenio será dende a súa sinatura e ata o 30 de novembro de 2023, sen prexuízo de que as actividades subvencionadas sexan as executadas a partires do 01 de xaneiro de 2023.

DECIMO PRIMEIRA.- Comisión de seguimento

Para o seguimento do convenio e da súa execución así como para propoñer solucións aos conflitos que poidan xurdir na aplicación e interpretación das cláusulas do convenio constituirase unha comisión de seguimento que estará integrada por un representante designado pola Sociedade Deportiva Coto de Caza de Remourelle e un representante designado pola Axencia Galega de Desenvolvemento Rural.

DECIMÓ PRIMEIRA.- Notificación electrónica

Segundo o artigo 14.2 da Lei 39/2015, do 1 de outubro, do procedemento administrativo común das administracións públicas, os colectivos que están obrigados a relacionarse a través de medios electrónicos coas administracións públicas, e polo tanto, a recibir notificacións por canles electrónicas son: as persoas xurídicas, as entidades sen personalidade xurídica, os colexios profesionais, os que representen un interesado que estea obrigado a relacionarse electronicamente coa Administración e, os empregados das administracións públicas para os trámites que realicen con elas por razón da súa condición de empregado público.

As notificacións realizaranse só por medios electrónicos a través do Sistema de Notificación Electrónica de Galicia Notific@, <https://notifica.xunta.gal>. Para poder acceder a unha notificación electrónica, o interesado deberá contar cun certificado electrónico asociado ao NIF que figure como destinatario da notificación (persoa física ou xurídica). Así mesmo, o interesado pode autorizar a calquera outra persoa a acceder ao contido das súas notificacións.





Este convenio obriga ás partes que o asinan ao seu cumprimento, e ambas as dúas sométense ao acordado en tódalas estipulacións.

E, en proba de conformidade cos termos do Convenio, as partes comparecentes asinan e rubrican por duplicado exemplar, no lugar e data indicados no encabezamento.

José González Vázquez
(P.D. Acordo do Consello de
Dirección do 21.07.2021)



Presidente da Agader

José Antonio González

Presidente da Sociedade Deportiva
Coto de Caza de Remouelle